

Si Isaac Nagtawag sa Ngalan sa Ginoo

Yabeng Bersikulo: “Busa nagtukod siya didto ug usa ka halaran ug nagsangpit sa ngalan ni Jehova, ug gipatindog niya didto ang iyang balongbalong; ug didto nagkalot ug atabay ang mga alagad ni Isaac.”
Genesis 26:25

Pinili nga Kasulatan:
Genesis 26:16-33

Ang atong yawe nga bersikulo nagpunting sa kinapungkayan sa pagpuyo ni Isaac sa panahon sa kagutom. Lagmit iyang gihunahuna sa sinugdan ang paglugsong ngadto sa Ehipto diin ang pagkaon ug tubig halos maseguro sa padayong pag-agos sa Suba sa Nile. Ang iyang amahan nga si Abraham migamit niini nga estratehiya. (Tan-awa ang Genesis 12:10) Apan, si Isaac gisugo ni Jehova nga magpabilin sa Yutang Saad. Ang Dios maghimo ug tumong nga leksyon aron ipakita ang iyang abilidad sa pagpatunhay sa iyang katawhan. Ang Ginoo dili gusto nga si Isaac moagi sa sayon nga dalan. Ang

34

Ang Banagbanag

punto sa leksyon: bisan sa lisud kaayo nga mga sitwasyon, ang Dios mohatag.

Ang tubig kinahanglanon para makaluwas sa gutom. Si Isaac, nga nahinumdom sa mga atabay nga gikalot sa iyang amahan sa yuta, naninguha sa pagpangita kanila ug sa pagbag-o sa ilang bililhong agos. Unsa may nahitabo kanila? Gisaksak sila sa mga Filistehanon aron dili kini gamiton. Sumala sa talaan sa Kasulatan, si Isaac “nagpatindog sa iyang balongbalong sa walog sa Gerar, ug mipuyo didto. Ug gikalot pag-usab ni Isaac ang mga atabay sa tubig nga ilang gikalot sa mga adlaw ni Abraham nga iyang amahan. gitawag niya sila sa mga pangalan nga maoy ginatawag sa ilaha sa iyang amahan.”

Genesis 26:17,18; 21:25-31

Ang pagtahud ug pagpasidungog sa panumduman sa pagtuo sa iyang amahan nakaimpluwensya sa tinguha ni Isaac sa paghingalan sa mga atabay sumala sa ilang kanhing ngalan. Mao kini ang diwa sa mensahe ni Jeremias, “Kini ang giingon ni Jehova: Tindog sa kinasang-an sa dalan ug tan-awa; pangutan-a ang karaan nga mga dalan, pangutan-a kung asa ang maayong dalan, ug lakaw niini, ug makakaplag kamo ug kapahulayan sa inyong mga kalag. (Jeremias 6:16) Maayo nga sundon nato ang

“karaang mga alagianan” nga gilaktan sa atong mga amahan. Kadto nga mga dalan gipadayag diha sa kinahiladman nga atabay sa tubig sa yuta—ang Balaang Bibliya, diin nagagikan ang buhing tubig sa Kamatuoran..

Gisugo ni Isaac ang iyang mga sulugoon sa pagkalot pag-usab sa mga atabay ni Abraham. Usa kadto ka malipayong okasyon sa dihang ang nahiuna nipadagayday og tubig. Mubo ra ang maong kalipay. Ang lokal nga mga magbalantay sa kahayopan nakig-away sa mga sulugoon ni Isaac nga nag-ingon, "Amo ang tubig." Gibiyaan kini ni Isaac, nga haom nga nagtawag niini nga Esek, nga nagkahulogang “kaaway.” Ang iyang mga sulugoon nagkalot sa sunod nga atabay apan ang resulta mao ra. Ang mga magbalantay sa kahayopan sa Gerar nakig-away kanila ug, sa makausa pa, si Isaac mibiya sa maong atabay, nga nagtawag niini nga Sitnah, nga nagkahulogang “pagsupak.” Ang pagkamakanunayon ug pagtuo sa mga saad sa Diyos nakapalig-on sa determinasyon ni Isaac, ug iyang gipadayon ang buluhaton sa pagpasig-uli sa mga atabay sa iyang amahan. Genesis 26:19-21

Ang ikatulo nga bag-ong giayo nga atabay mibunga usab ug tubig, ug walay panaglalis mahitungod sa

mga katungod niini. Ginganlan kini ni Isaac ug Rehobot, nga nagkahulogang “usa ka lapad nga dapit.” “Busa iyang gihinganlan ang ngalan niini nga Rehobot, tungod kay siya miingon, Kay karon si Jehova naghatag ug dapit alang kanato, ug kita magmabungahon sa yuta.” (bersikulo 22) Ang pagmaya niini naglandong sa mga pulong sa salmista, “Iya usab akong gidala ngadto sa halapad nga dapit; Iya akong giluwat tungod kay Siya nahimuot kanako.” (Salmo 18:19) Sa ingon si Isaac nadasig sa pagtawag sa ngalan sa Ginoo, sama sa gibuhat sa iyang amahan nga si Abraham.

Ang modernong mga magsusupak nagdumili sa katawhan sa Diyos sa buhing tubig—ang Balaang Bibliya. Siya, sama sa kanunay, naghatag alang kanato. Sama sa gibuhat ni Isaac, kita malipayong nagtawag sa ngalan sa Ginoo, ang atong Manluluwas.